

Visoki predstavnik podnio izvješće Vijeću sigurnosti UN-a o provedbi Daytonskog sporazuma

U današnjem obraćanju pred Vijećem sigurnosti UN-a, visoki predstavnik Valentin Inzko je rekao da međunarodna zajednica mora nastaviti podržavati one u Bosni i Hercegovini koji žele da se kreću naprijed, i oduprijeti se onima koji ponovo nastoje otvoriti stare rane.

Visoki predstavnik je potcrtao da, dok se druge zemlje u regionu kreću ka svijetloj budućnosti unutar euro-atlantskih institucija, bosanskohercegovački lideri i dalje ne ispunjavaju svoje obveze prema građanima ove zemlje i ne ispunjavaju vrlo ograničena očekivanja međunarodne zajednice. Kao rezultat toga, ova zemlja je još više zaostala za svojim susjedima.

„Znam da oni mogu puno bolje“, kazao je visoki predstavnik, „i pozivam ih sa ovog cijenjenog foruma da pokažu hrabrost“.

Visoki predstavnik je izrazio žaljenje što je primoran informirati Vijeće sigurnosti da su u proteklom šestomjesečnom izvještajnom periodu osporavanja vladavine prava, osporavanja suvereniteta i integriteta države, te kronična politička razračunavanja onemogućila organe vlasti da na učinkovit način rješavaju materijalne poteškoće u koje su zapali građani BiH kao rezultat ekonomske krize.

Međutim, on je potcrtao kako se stalno nada da se negativni politički trend iz nekoliko proteklih godina može zaustaviti i da će za šest mjeseci biti ponovno moguće izvijestiti Vijeće sigurnosti o pomacima u Bosni i Hercegovini.

Nakon obraćanja Vijeću sigurnosti, visoki predstavnik će se sastati sa generalnim tajnikom UN-a Ban Ki-moonom, kome će se zahvaliti na njegovom stalnom zanimanju za situaciju u Bosni i Hercegovini i prijeko potrebnoj potpori UN-a za realizaciju mandata visokog predstavnika.

Visoki predstavnik će sutra otputovati u Washington radi sastanaka u američkom State Departmentu.